

大法鼓經卷上

量

宋天竺三藏求那跋陀羅譯

如是我聞一時佛住舍衛國祇樹給孤獨園與大比丘衆五百人俱復有百千大菩薩衆復有衆多天龍夜叉健闥婆衆復有百千諸優婆塞優婆夷衆復有娑婆世界主梵天王及天帝釋四天王衆復有十方世界無量比丘比丘尼優婆塞優婆夷諸菩薩俱爾時如來於彼四衆說如是法有有則有苦樂无有則無苦樂是故離苦樂則是涅槃第一之樂彼五百聲聞比丘一切皆是阿羅漢諸漏已盡無復煩惱心得自在譬如大龍心得好解脫慧得好解脫所作已辦已捨重擔遠得已利盡諸有結正智心解脫得一切心自在第一波羅蜜有無量學人皆得須陀洹斯陀含阿那含果有成就有漏法无量比丘衆有成就無量阿僧祇功德菩薩摩訶薩從十方來算數譬喻所不能及亦非一切聲聞緣覺之所能及除文殊師利菩

薩及大力菩薩觀世音菩薩弥勒菩薩摩訶薩如是上首菩薩摩訶薩无量阿僧祇衆譬如大地所生草木從諸方來諸菩薩衆亦復如是不可稱數復有耆摩比丘尼與比丘尼衆俱毗舍佉庶子母及末利夫人各與無量大眷屬俱須達長者與諸優婆塞俱爾時世尊於大衆中說有非有法門爾時波斯匿王從卧而起作是思惟我今應往至世尊所念已即行擊鼓吹貝往詣佛所爾時世尊知而故問阿難以何等故有鼓貝聲阿難白佛言波斯匿王來詣佛所是其擊鼓吹貝之聲佛告阿難汝今亦應擊大法鼓我今當說大法鼓經阿難白佛言世尊是大法鼓經名我未曾聞以何等故名大法鼓經佛告阿難汝何由知是諸來會大菩薩等悉不能知此大法鼓經六字名号何況於汝而得聞知阿難白佛言世尊未曾有也此法名号真實難知如是阿難實尔不異阿難此大法鼓經世間希有如優曇鉢華阿難白佛言非一切諸佛有

大法鼓經卷上 第二張 量

此法耶佛告阿難三世諸佛悉有此法阿難白佛言若然者彼諸菩薩人中之雄何故悉來普集於此彼諸如來何故自於其國不演說耶佛告阿難如有一阿練比丘隱居山窟至時入村方欲乞食道見人歡諸難死屍見已生歡斷食而還嗚呼苦哉吾亦當然彼於異時心得快樂作是思惟我當更往觀察死屍令增歡離復向聚落求見死屍修不淨想見已觀察得阿羅漢果如是他方諸佛不說无常苦空不淨所以者何諸佛國土法應如是彼諸如來為諸菩薩作如是說奇哉難行擇迦牟尼世尊於五濁國土出興于世為苦惱衆生種種方便說大法鼓經是故諸善男子當如是學彼諸菩薩咸欲見我恭敬禮拜故來會此既來會已或得初住乃至十住是故大法鼓經甚難值遇是故十方大菩薩衆為聞法故普皆來集阿難白佛言善哉善哉一切善來彼悉得此難得經法佛告阿難如是深經非一切共是故不應說言一切善

大法鼓經卷上 第三張 量

來阿難白佛言何故彼非一切善來
佛告阿難此經典者是諸如來秘密
法藏甚深微妙難解難信是故阿難
不應說言一切善來阿難白佛言非
如波斯匿王臨陣鬪時擊大戰鼓
其間聲者一切箭落耶佛告阿難波
斯匿王擊鼓戰時非彼一切間鼓聲
喜有怯弱者聞而恐怖若死近死如
是阿難此大法鼓經名是二乘之人
不信法門是故阿難辭如彼王至鬪
戰時擊王大鼓此大法鼓諸佛秘密
佛出世時亦乃演說

余時世尊告大迦葉此諸比丘清淨
統一真實強力離諸糟糠堪任聞此
大法鼓經不迦葉白佛言若有比丘
犯戒違律是大目連之所呵責有如
是比我不同行況復世尊今此會眾
如梅檀林清淨統一佛告迦葉今此
會眾雖復一切清淨統一然於隱覆
之說有不善解迦葉白佛言云何名
為隱覆之說佛告迦葉隱覆說者謂
言如來畢竟涅槃而實如來常住不
滅般涅槃者非毀壞法此修多羅辭

復清淨明顯音聲百千因緣分別開
示是故迦葉當更觀察此諸大眾時
大迦葉即復觀察彼諸來者云何而
來時剎那頃下信眾生及聲聞緣覺
初業菩薩自惟不堪生退捨心譬如
王家力士眾中有名千力士者從座
而起擊鼓唱言誰能堪任與我鬪力
其不堪者嘿然而住心自念言我不
堪任與彼鬪力或能傷損以致失命
於彼眾中無敢敵者乃名勇健難伏
力士建大勝幡如是下劣眾生及聲
聞緣覺初業菩薩作是念言我不堪
任聽受如來已般涅槃而復說言常
住不滅於大眾中聞所未聞從坐而
去所以者何彼人長夜於般涅槃修
習空見聞離隱覆清淨經故從坐而
去彼十方來聲聞緣覺初業菩薩百
千萬億阿僧祇分餘一分住謂彼菩
薩摩訶薩信解法身常住不變者亦
乃安住受持一切如來藏經亦能解
說安慰世間解知一切隱覆之說善
觀一切了義不了義經悉能降伏毀
滅眾生尊敬承順清淨有德於摩訶

行得大淨信不於二乘起奇特想除
如是等方廣大經不說餘經唯說如
來常住及有如來藏而不捨空亦非
身見空空彼一切有為自性
佛告迦葉汝更問大眾咸欲得聞此
大法鼓方廣一乘所謂大乘難信經
不如是至三迦葉白佛言善哉世尊
即從坐起偏袒右肩右膝著地頂禮
佛足右遶三匝已告諸大眾咸欲聞
此大法鼓經不如來今當普為汝等
演說一乘所謂大乘過一切聲聞緣
覺境界如是三說彼悉答言願樂欲
聞唯大迦葉我等悉為聞法故來善
哉哀愍當為我說大法鼓經迦葉復
言汝等云何信彼即答言辭如士夫
年甫二十有百歲子若佛如是說者
我等亦當如是隨信況說正法而不
信受所以者何如來說而行如來
淨眼圓照無闕以佛眼觀知我等心
迦葉嘆言善哉善哉諸賢汝等堪任
聽大法鼓經若持若說佛告迦葉辭
如士夫年甫二十有百歲子大法鼓
經亦復如是所以者何如來涅槃而

復常住一切無我而復說我彼即白
言唯佛能知如世尊所說我等如是
受持

迦葉白佛唯願世尊說大法鼓經擊
大法鼓吹大法鑿佛言善哉善哉迦
葉汝今聽說大法鼓經迦葉白佛言
唯然受教何以故是我境界故是故
如來大見敬待云何為敬曾告我言
汝來共坐以是因緣我應知恩佛言
善哉迦葉以是義故我敬待汝迦葉
辭如波斯匿王善養四兵若聞戰時
擊大戰鼓吹大戰鑿對敵堅住緣斯
思養戰無遠力能勝怨敵國境安寧
如是比丘我般涅槃後摩訶迦葉當
護持此大法鼓經以是義故我分半
坐是故彼當行我所行於我滅後堪
任廣宣大法鼓經迦葉白佛言我是
世尊口生長子佛告比丘辭如波斯
匿王教諸王子學諸明處彼於後世
堪紹王種如是比丘於我滅後迦葉
比丘護持此經亦復如是
復次迦葉如波斯匿王多與諸王共
為怨敵更相攻伐於彼彼時其諸戰

大法鼓經卷上 第七張 量

士為馬車步四種兵眾聞大鼓聲心
不恐怖堅持甲仗時王恩厚多所賜
資及當戰時加賜珍寶及以城邑若
能剋敵冠以素繒封以為王如是迦
葉我諸聲聞比丘比丘尼優婆塞優
婆夷如戒隨學波羅提木叉成就善
住律儀如來則與天安樂其有大
功降四魔者以四真諦解脫素繒而
冠其首若有增上信解求佛藏大我
常住法身者如來亦時以薩婆若水
而灌其頂以大乘素繒而冠其首大
迦葉我今亦復如是以大乘素繒用
冠汝首汝於未來無量佛所當護持
此經迦葉當知汝於我滅後堪任護
持如是經典迦葉白佛言當如尊教
復白佛言我從今日及滅度後常當
護持廣說此經
佛告迦葉善哉善哉今當為汝說大
法鼓經時虛空中諸天龍眾同聲嘆
言善哉善哉迦葉今日諸天大雨天
華諸龍王眾雨甘露水及細末香安
慰悅樂一切眾生應為世尊之所建
立為法長子時天龍眾同聲說偈

大法鼓經卷上 第八張 量

王於舍衛城伐鼓吹戰鑿法王祇洹林
擊于大法鼓
佛告迦葉汝今當以問難之持擊大
法鼓如來法王當為汝說天中之天
當決汝疑

尔時世尊告大迦葉有比丘名信大
方廣若有四眾聞其名者貪患癡箭
悉皆拔出所以者何迦葉辭如波斯
匿王有者婆子名曰上藥若波斯匿
王與敵國戰時告上藥言汝今速持
能為眾生拔箭藥來尔時上藥即持
消毒藥王以塗戰鼓若塗若熏若打
若彼眾生被毒箭者聞其鼓聲若一
由旬若二由旬箭悉拔出如是迦葉
若有聞信方廣比丘名者貪患癡箭
悉皆拔出所以者何彼因此經增廣
正法以彼現法成就故得此大果大
迦葉汝當觀彼無心凡鼓以无心藥
若塗若熏若打有如是力饒益眾生
况復聞彼菩薩摩訶薩信方廣比丘
名而不能除眾生三毒迦葉白佛言
若聞菩薩名者能除眾生三毒毒箭
况稱世尊名号功德言南無釋迦牟尼

大法鼓經卷上 第九張 量

尼若稱嘆釋迦牟尼名号功德能拔
衆生三種毒箭况復聞此大法鼓經
安慰演說若偈若句况復廣說而不
能拔三種毒箭

佛告迦葉如我先說淨戒比丘隨心
所欲以本願故一切諸佛皆有是法
所謂不作不起不滅大法鼓經是故
迦葉汝於來世亦當如我所以者何
若有四衆聞汝名者三種毒箭悉得
拔出是故迦葉汝今當問大法鼓經
於我滅後久於世間護持宣布迦葉
白佛言善哉世尊今當為我說大法
鼓經佛告迦葉汝於大法鼓經應少
諮問余時迦葉即白佛言善哉世尊
當請所疑如世尊所說若有有則有
苦樂無有則无苦樂此有何義佛告
迦葉若無有者謂般涅縣第一之樂
是故離苦樂得般涅縣第一之樂若
苦若樂彼則是有若无有者則無苦樂
是故欲得般涅縣者當求斷有今時
世尊欲重宣此義而說偈言

一切有無常亦无不變異彼有有苦樂
無有元苦樂不為無苦樂為則有苦樂

莫樂諸有為亦勿更習近若人得安樂
還復墮於苦若不到涅縣不住安樂處
尔時迦葉以偈答言

衆生不為有涅縣第一樂彼則名字樂
無有受樂者

尔時世尊復說偈言

常解脫非名妙色湛然住非聲聞緣覺
菩薩之境界

迦葉白佛言世尊云何言色而復常
住佛告迦葉今當說辟辟如士夫從
南方摩頭邇邇來有人問彼汝從何來
士夫答言從摩頭邇邇來即復問言摩
頭邇邇在何方時彼士夫即指南方
迦葉非為彼人於此得信耶所以者
何以是士夫自見彼來故如是迦葉
以我見故汝當信我尔時世尊即說
偈言

辟如有士夫以手指虛空我今亦如是
名字說解脫辟如彼士夫遠自南方來
今我亦如是從彼涅縣出

然彼迦葉若見義者則不須因緣若
不見義則須因緣如是迦葉諸佛世
尊常以無量因緣顯示解脫迦葉白

佛言云何為因佛告迦葉因者是事
迦葉白佛言云何為緣佛告迦葉緣
者是依迦葉白佛言願更顯示其辭
云何佛告迦葉如由父母而生其子
母則是因父則是緣是故父母因緣
生子如是說因緣生法是名為成迦
葉白佛言成者有何義佛告迦葉成
者世間成迦葉白佛言云何世間佛
告迦葉衆生和合施設迦葉白佛言
云何衆生佛告迦葉法集施設迦葉
白佛言云何為法

佛告迦葉非法亦法非法者
復有二種何等為二有為及无為色
及非色更無第三法迦葉白佛言法
何像類佛告迦葉法者非色迦葉白
佛言非法何像類佛告迦葉非法者亦
非色迦葉白佛言若法非法非色无
相云何是法云何非法佛告迦葉法
者是涅縣非法者是有迦葉白佛言若
法非法非色無相者彼慧者云何知
何所知何故知彼相耶佛告迦葉衆
生生生死中習種種福德清淨善根
是其正行若彼行如是法一切淨相

生若行此法者是法衆生衆生生死中行種種非福惡不善業若彼行如是非法一切惡不淨相生若行此非法者是非法衆生

迦葉白佛言世尊云何衆生佛告迦葉衆生者四界攝施設謂內地界水界火界風界及入處五根乃至十三緣起支無盡意經中云說不正受想思心意識是名衆生法迦葉當知是名一切法迦葉白佛言是中何等法是衆生佛告迦葉是中非一法名為衆生所以者何迦葉譬如波斯匿王鼓何等為鼓迦葉白佛言所言鼓者皮木及捋此三法和合是名為鼓佛告迦葉如是和合施設名為衆生迦葉白佛言聲鼓者非鼓耶佛告迦葉雖聲鼓者鼓亦有聲以風動故迦葉白佛言鼓者為是法為是非法耶佛告迦葉鼓者非法非法迦葉白佛言名為何等佛告迦葉非法非法者名為無記迦葉白佛言有無記法者世間應有三法佛告迦葉無記相者如非男非女非男非女名為不男彼亦

如是迦葉白佛言如世尊說父母和合而生其子若父母無衆生種子者不為父母因緣佛告迦葉彼无衆生種子者名為淫勝大常不男亦復如是所以者何譬如波斯匿王與敵國戰時彼諸戰士食丈夫楮不勇猛者不名丈夫如是無衆生種子者不名父母常不男者亦復如是

迦葉白佛言世尊善法不善法無記法何者善法何者不善法何者無記法佛告迦葉樂受是善法苦受是不善法不苦不樂受是无記法此三法衆生常觸樂受者謂天人五欲功德苦受者謂地獄畜生餓鬼阿修羅不苦不樂受者謂白癩等迦葉白佛言此則不然佛告迦葉從樂生苦從苦生苦彼為無記迦葉白佛言其辭如何佛告迦葉因食生病食則是樂病則是苦彼白癩等名為無記迦葉白佛言若苦樂名无記者父母子亦無記佛告迦葉此則不然迦葉白佛言其辭如何佛告迦葉如非想非非想等天乃至无想則恒住于法善亦如是

迦葉白佛言世尊如佛所說受想是衆生是故非想非非想處應非衆生佛告迦葉彼有行分我談此衆生法者除無想天迦葉白佛言衆生為是色為非色耶佛告迦葉衆生亦非色亦非非色然成就彼法名為衆生迦葉白佛言若如是非衆生成就法更有異衆生者不應有無色天若然者无二法世間色及無色

佛告迦葉法亦非色非法亦非色迦葉白佛言云何為法與解脫俱為非法與解脫俱無色天亦有解脫佛告迦葉不然唯有為法无為法是故無色天是有為數解脫是无為無色天有性耳

迦葉白佛言世尊一切有為是色非色是无為無色天有色者是佛境界非我等境界佛告迦葉善哉善哉是我境界非汝等境界如是諸佛世尊到解脫者彼悉有色解脫亦有色佛告迦葉云何無色天天處所作汝知不迦葉云何有色天名无色數不迦葉白佛言非我等境界佛告迦葉

如是諸佛世尊到解脫者皆有色汝當觀察

迦葉白佛言世尊若如是得解脫者復應受苦樂佛告迦葉如有病衆生服藥離病已還復病耶迦葉白佛言若有業者則必有病佛告迦葉无業者彼有病耶迦葉白佛言不也世尊佛告迦葉如是離苦樂是解脫當知苦樂是病如丈夫是得涅槃者迦葉白佛言若離苦樂是解脫者無業病盡耶佛告迦葉世間樂者彼則是苦於彼出離如是業盡得解脫迦葉白佛言不復終盡耶佛告迦葉辟虛空如海虛空如海耶虛空無辟解脫无辟亦復如是如無色天有色而不可知亦不可知似此似彼如是住如是遊戲非是聲聞緣覺境界解脫亦如是迦葉白佛言世尊一切衆生誰之所作佛告迦葉衆生自作迦葉白佛言此義云何佛告迦葉作福者佛作惡者衆生迦葉白佛言最初衆生誰之所作佛告迦葉非想非非想等无色天誰之所作云何活云何住迦葉白

佛言於彼諸業所不能知然唯業作如是衆生生死黑及涅槃白誰之所作佛告迦葉業之所作業起无量法善起無量法迦葉白佛言何者業起何者善起佛告迦葉業起者有善起者解脫迦葉白佛言無生處云何善起佛告迦葉如不異迦葉白佛言若善起者云何到无生處佛告迦葉行善業迦葉白佛言誰之所教佛告迦葉無始佛教教迦葉白佛言一切无始佛誰化誰教佛告迦葉無始者非一切聲聞緣覺思量所知若有士夫出於世間智慧多聞如舍利弗長夜思惟終不能知佛之無始誰取為先乃至涅槃中間亦不能知復次迦葉如大目連以神通力求取初佛世界无始終不能得如是一切聲聞緣覺十地菩薩如弥勒等悉不能知如佛九起難可得知衆生九起亦復如是迦葉白佛言是故世尊無有作者无有受者佛告迦葉因是作者受者迦葉白佛言世間為有盡耶為無盡乎佛告迦葉世間未曾盡无所盡無

盡時佛告迦葉如以一毛滴大海水能令盡不迦葉白佛言唯然能盡佛告迦葉乃往過去無量阿僧祇大劫時有佛名鷄羅婆出興於世廣說法教尔時城中有離車童子名一切世間樂見作轉輪聖王正法治化王與百千大眷屬俱往詣佛所頂礼佛足右遶三匝供養畢已而白佛言我當大如得菩薩道佛告大王轉輪聖王即是菩薩更無有異所以者何无有餘人作帝釋梵王及轉輪聖王若菩薩者即是釋梵轉輪聖王先作衆多帝釋梵王然後乃作轉輪聖王正法治化汝已曾作恒沙阿僧祇帝釋梵王今作轉輪聖王時王自言帝釋梵王何所像類佛告大王釋梵天王亦如汝今首著天冠而彼端嚴則不及汝如佛色像端嚴殊特非聲聞緣覺菩薩所及如佛端嚴汝亦如是迦葉尔時聖王復問佛言我於久如當得成佛佛言大王凡得佛者時大久遠所以者何假令大王捨其福德還為凡人而以一毛滴大海水乃至將竭

餘如牛跡當有如來出興于世名曰燈光如來應供等正覺時有國王名地自在燈光如來為王授記當得作佛汝於今時當為彼王第一長子亦俱授記時彼如來當如是說大王汝此長子從昔暨今大海將盡生為汝子於其中間不為小王或為釋梵轉輪聖王正法治化汝此長子勇猛精進如是地自在菩提難得以是因緣故說此辟地自在汝此長子有六万姝女端正姝好瓔珞莊嚴狀如天女棄之如唾知欲無常危脆不堅我當出家作是語已信家非家捨家學道是故彼佛記此童子當未有佛名釋迦牟尼世界名忍波童子名一切世間樂見離車童子佛涅槃後正法欲滅餘八十年作比丘持佛名宣揚此經不顧身命百年壽終生安樂國得大神力住第八地一身住兜率天一身住安樂國復化一身問阿逸多佛此修多羅時地自在王聞子授記歡喜踊躍今日如來記說我子得八住地時彼童子聞授記聲勤加精進迦

大藏經卷之三 第五十四

葉白佛言是故世尊毛滂大海猶尚可盡佛告迦葉此義云何迦葉白佛言世尊譬如商人計數金錢置一器中其子啼時授與一錢彼器中錢日損減如是菩薩摩訶薩於大海水滂滂損減悉能知之亦知餘在況復世尊於衆生大聚盡而不知但諸衆生無有減盡一切聲聞緣覺所不能知唯佛世尊乃能知耳佛告迦葉善哉善哉如汝所說衆生大聚無有盡時迦葉白佛言衆生般涅槃者為有盡耶為無盡耶佛告迦葉衆生無有盡也迦葉白佛言云何衆生不盡佛告迦葉若衆生盡者應有損減此修多羅則為無義是故迦葉諸佛世尊般涅槃者悉皆常住以是義故諸佛世尊般涅槃者然不磨滅迦葉白佛言云何諸佛般涅槃不畢竟滅佛告迦葉如是如是舍壞則為虛空如是如是諸佛涅槃即是解脫

大法鼓經卷上

壬寅歲高麗國大藏都監奉勅雕造

大藏經卷之三 第五十四

大法鼓經卷下

量

宋天竺三藏求那跋陀羅譯
爾時世尊告大迦葉譬如王能行布施彼王國中多出伏藏所以者何以彼國王種種周給貧苦衆生是故伏藏自然發出如是迦葉大方便菩薩廣為衆生說甚深法寶故得此甚深離非法經謂空無相無作相應經復得如是如來常住及有如來藏經迦葉如鬱單越自然之食衆共取之無有損減所以者何以彼盡壽無我所想及慳貪想如是迦葉此閻浮提比丘比丘尼優婆塞優婆夷得此深經書持讀誦究竟通利廣為人說終不疲厭不疑不謗以佛神力常得自然如意供養乃至菩提無乏無盡除定報業如持戒比丘不緩持戒終身天神隨侍供養若彼能於如是深經乃至不起一念謗想當得如來藏如來常住常見諸佛親近供養如轉輪聖王凡所遊行七寶常隨如是安慰說者所住之處如是比經常與彼俱如轉輪聖王所住之處七寶隨住不

住餘處其非真實住於餘處如是安慰說者現在所住如是比經悲從他方來至其所諸不了義空相應經於餘處住如是安慰說者所住至方此經常隨如轉輪聖王所遊之處諸餘衆生隨順王者作如是念彼王所住我亦應去如是安慰說者所住之處如是比經亦復常隨如轉輪聖王出於世時七寶隨出如是安慰說者出於世間如是比經亦隨出現如轉輪聖王所有七寶若失一寶彼王尋求必至寶所如是安慰說者為聞此經處處尋求要至經所

復次如轉輪聖王不出世時諸餘小王力轉輪王和合諸王各現於世如是諸方無人演說此深經處餘雜說者說諸雜經所謂正不正雜經彼諸衆生亦如是隨學彼隨學時聞此如來藏如來常住究竟深經心生疑惑於女慰說者生慈害心輕賤嗤笑不生愛念罵辱不忍作如是說此將文筆魔之所說謂為毀法惡棄捨去各還本處更相破壞犯戒邪見終不能得

如是比經所以者何安慰說者所住之處此經隨住故余時世間多有衆生見聞摩訶衍經而生誹謗莫生恐畏所以者何五濁世時正法損減多有衆生謗摩訶衍如七家村中必出茶夷尼鬼如是比經所行之處七人衆中必有謗者迦葉譬如同戒之人相見歡喜彼亦如是各各毀戒於說法衆中聞是經時更相瞻視作戲笑言何者衆生界何者為常瞻彼顏色作是思惟彼是我伴更相慈愍如是作已守性而住守性而去如婆羅門長者種性生子習惡父母訓誡曾不改悔捨家而去隨逐惡友聞諸鳥獸以為戲樂如是展轉乃至他國要結同類共為非法是為同行不樂此經者亦復如是見他誦說而反戲笑所以者何余時衆生並多懈怠持戒寬緩為法留難彼諸同行相隨誹謗迦葉白佛言嗚呼真是惡時

佛告迦葉至於余時安慰說者當如之何迦葉譬如城邑邊近路之田為諸人衆象馬侵食彼時田主一人

監視監視之人不勤守護復更增足二三四五若二十乃至百人守者逾多取者亦衆最後一人作是思惟如此守視非一切護當善方便令無侵害即取田苗手自惠施彼生感愧田苗得全迦葉若能如是善方便者於我滅後能護此經

迦葉白佛言世尊我終不能攝彼惡人寧以兩肩荷負須弥至百千劫不能堪忍聽彼惡人犯戒滅法謗法汙法如是諸惡非法音聲世尊我寧為他為其僕使不能堪忍聽彼惡人犯戒背法遠法壞法如是諸惡非法音聲世尊我寧頂戴大地山海經百千劫不能堪忍聽彼惡人犯戒滅法自高毀他如是諸惡非法音聲世尊我寧恒受瞋盲瘡啞不能堪忍聽彼惡人毀犯淨戒為利出家受他信施如是諸惡非法音聲世尊我寧捨身疾般涅槃不能堪忍聽彼惡人犯毀淨戒墮聲之行而身行諂曲口言虛妄如是諸惡非法音聲佛告迦葉汝般涅槃是聲聞般涅槃非為究竟迦葉白佛言若聲聞緣覺般涅槃非究竟

者世尊何故說有三乘聲聞乘辟支佛乘佛乘世尊云何已般涅槃復般涅槃耶佛告迦葉聲聞以聲聞般涅槃而般涅槃非為究竟辟支佛以辟支佛般涅槃而般涅槃亦非究竟乃至得一切種功德一切種智大乘般涅槃然後究竟無異究竟

迦葉白佛言世尊此義云何佛告迦葉譬如從乳出酪酪出生酥生酥出熱酥熟酥出醍醐凡夫邪見如初生乳乳血共雜受三歸者猶如純乳隨信行等及初發心菩薩住解行地猶如成酪七種學人及七地住菩薩猶如生酥意生身阿羅漢辟支佛得自在力及九住十住菩薩猶如熟酥如來應供等正覺猶如醍醐

迦葉白佛言世尊如來云何說有三乘佛告迦葉譬如導師勇猛雄傑將諸親屬及餘人眾從其所住欲至他方經由曠野嶮難惡道作是思惟此眾疲乏將恐退還為令諸人得止息故於其前路化作大城遙以指示語諸大眾前有大城當速至彼諸眾悉見漸近彼城各相謂言是我息處即

大法鼓經卷下 第五經 三

共入城休息快樂樂於中住不欲前進今時導師作是思惟此諸大眾得此小樂便以為足羸劣休懈無前進意今時導師即滅化城彼諸大眾見城滅已白導師言此為何等為幻為夢為真實耶導師聞已即告大眾向者大城為止息故我化作耳更有餘城今所應往宜速至彼快樂安隱大眾各言唯然受教何緣樂此鄙陋小處當共前進安樂大城導師告言善哉當行即共前進復告大眾所往大城先相已現汝當觀察彼前大城極甚豐樂以漸前行見彼大城今時導師告諸大眾諸仁當知此是大城時諸大眾遙見大城安隱豐樂心得歡喜各共相親生希有心此城為實為復虛妄導師答言此城真實一切奇特安隱豐樂即告彼眾入此大城此則第一究竟大城過此處已更無餘城彼諸大眾俱入城已生希有信心得歡喜歎彼導師善哉善哉真實大智大悲方便哀愍我等迦葉當知彼初化城謂聲聞緣覺乘清淨智慧空無相无作解脫之智真實大城是如

大法鼓經卷下 第五經 四

來解脫是故如來開示三乘現二涅槃又說一乘佛告迦葉若有說言無此經者非我弟子我非彼師

迦葉白佛言世尊諸摩訶衍經多說空義佛告迦葉一切空經是有餘說唯有此經是無上說非有餘說復次迦葉如波斯匿王常十一月設大施會先食餓鬼孤獨貧乞次施沙門及婆羅門甘餽眾味隨其所欲諸佛世尊亦復如是隨順眾生種種欲樂而為演說種種經法若有眾生懈怠犯戒不勤修習捨如來藏常住妙典好樂修學種種空經或隨句字說或增異句字所以者何彼如是言一切佛經皆說无我而彼不知空無我義彼无慧人趣向滅盡然空無我說亦是佛語所以者何無量塵垢諸煩惱常空涅槃如是涅槃是一切句彼常住安樂是佛所得大般涅槃句迦葉白佛言世尊云何離於斷常佛告迦葉乃至眾生輪迴生死我不自在是故我為說無我義然諸佛所得大般涅槃常住安樂以是義故壞彼斷常迦葉白佛言世尊再轉无我轉我久矣

大法鼓經卷下 第五經 五

佛告迦葉為破世間我故說无我義若不如是說者云何令彼受大師法佛說無我彼諸眾生奇特想聞所未聞來詣佛所然後以百千因緣令入佛法入佛法已信心增長勤修精進善學空法然後為說常住安樂有色解脫復次或有世俗說有是解脫為壞彼故說言解脫悉无所有若不如是說云何令彼受大師法是故百千因緣為說解脫滅盡無我然後我復見彼眾生見畢竟滅以為解脫彼无慧人趣向滅盡然後我復百千因緣說解脫是有

迦葉白佛言世尊得解脫自在者當知眾生必應有常譬如見煙必知有火若有我者必有解脫若說有我則為已說解脫有色非世俗身見亦非說斷常

迦葉復白佛言世尊云何如來不般涅槃示般涅槃不生示生佛告迦葉若壞眾生計常想故如來不般涅槃示般涅槃不生示生所以者何眾生謂佛尚有終沒不得自在何況我等

法華經卷下 第八卷

有我我所譬如有王為隣國所執繫縛枷鎖作是思惟我今復是王是主耶我今非王非主何緣乃致如是諸難由放逸故如是眾生乃至生死輪迴我不自在不自在故說无我義譬如有人為賊所逐舉刀欲害作是思惟我今無力當得免此死難以不如是生老病死種種眾苦成就眾生思想願作帝釋梵王如來為壞彼思想故示現有死如來是天中之天若般涅槃悉磨滅者世間應滅若不滅者則常住安樂常住安樂則必有我如煙有火若復無我而有我者世間應滿實有我非无我亦不壞若實无我我則不成迦葉白佛言世尊有者何耶佛告迦葉有者二十五有眾生行非有者無思之物若非有是眾生者應從他來設有思之物壞者眾生當滅若非有是眾生者則應充滿以眾生不生不壞故不滅不滿迦葉白佛言世尊若有我者云何生彼煩惱諸垢佛告迦葉善哉善哉應以是問問於如來譬如金師見彼金性作是思惟如

法華經卷下 第九卷

此金性何由生垢今當推尋生垢之本彼人云何為得本不迦葉自言不也世尊佛告迦葉若盡壽思惟尋初因相乃至無始得本際不既不得本亦不得金若乃方便精勤不懈除彼金垢尔乃得金佛告迦葉如是我者生客煩惱欲見我者作是思惟今當推尋我及垢本彼人云何為得本不迦葉白佛言不也世尊佛告迦葉若勤方便除煩惱垢尔乃得我謂聞如是比經淨心信樂不緩不急善巧方便專精三業以是因緣尔乃得我迦葉復白佛言世尊若有我者何故不見佛告迦葉今當說譬譬如初學學五字句界成句偈欲先知義然後乃學當得知不要當先學然後乃知彼善學已然後師教界成句義引譬示之彼能聽受緣師得解界成句義故則能信樂如是我今為煩惱藏所覆眾生說言善男子如來藏如是如是彼便欲見當得見不迦葉白言不也世尊佛告迦葉如彼不知界成句義當緣師信如是迦葉當知如來是

法華經卷下 第十卷

誠實語者以誠實語說有衆生汝後當知如彼學成今當為汝更說譬喻如四種衆生界隱覆譬喻所謂膚醫覆眼重雲隱月如人穿井瓶中燈焰當知此四有佛藏因緣一切衆生悉有佛性無量相好莊嚴明以彼性故一切衆生得般涅槃如彼眼翳是可治病未遇良醫其目常冥既遇良醫疾得見色如是无量煩惱藏翳障如來性乃至未遇諸佛聲聞緣覺計我非我我所為我若遇諸佛聲聞緣覺乃知真我如治病愈其目開明翳者謂諸煩惱眼者謂如來性如雲覆月月不明淨諸煩惱藏覆如來性性不明淨若離一切煩惱雲覆如來之性淨如滿月如人穿井若得乾土知水尚遠得濕土望知水漸近若得水者則為究竟如是值遇諸佛聲聞緣覺修習善行攝煩惱土得如來性水如瓶中燈焰其明不現於衆生無用若壞去瓶其光普照如是諸煩惱瓶覆如來藏燈相好莊嚴則不明淨於衆生无用若離一切諸煩惱藏彼如

大法鼓經卷下 第七品 量

來性煩惱永盡相好莊嚴明施作佛事如破瓶燈衆生受用如此四種譬喻因緣如我有衆生界當知一切衆生皆亦如是彼衆生界無邊明淨迦葉白佛言世尊若一切衆生有如來藏一性一衆者如來何故說有三乘聲聞乘緣覺乘佛乘佛告迦葉今當說譬如巨富長者唯有一子隨乳母行於大衆中亡失所在長者臨終作是思惟我唯一子久已亡失更無餘子父母親屬若我一且終沒之後一切財物王志取去於思惟頃本所失子遊行乞求到其本家而不自知是其父舍所以者何幼少失故父見識之而不言子所以者何慮怖走故多與財物而語之言我无子息為我作子勿復餘行彼子答言不堪住此所以者何住此常苦如被繫縛長者謂言汝欲何作子復答言寧除衆穢放牧田作長者念言此子薄福我當知時且隨彼意即令除糞其子久後見大長者五欲自娛心生欣樂作是思惟願大長者時見哀納多賜財寶

大法鼓經卷下 第七品 量

以我為子作是念已不勤作務長者見已作是思惟如是不久必為我子是時長者尋告之曰汝今云何起異心想不勤作務彼即答言願欲作子生如是心長者言善我是汝父汝是我子我實汝父而汝不知所有庫藏悉以付汝於大衆中唱如是言此是我子我失來久今過還家而不自知我命為子而復不肯今日自求為我作子迦葉如彼長者方便誘引志意下劣子先令除糞然後付財於大衆中唱如是言此本我子亡失來久今幸自來為我作子迦葉如是不樂一乘者為說三乘所以者何此是如來善巧方便是諸聲聞志是我子如除糞者今始自知迦葉白佛言嗚呼異哉是聲聞乘何鄙之甚實是佛子而不識父

大法鼓經卷下 第七品 量

身當墮无邊黑闇哀愍彼故當設方便以大乘法而成熟之若不可治者當墮地獄若有信者彼自當信其餘衆生應以攝事攝令解脫復次迦葉若有士夫初得熱病不應與藥及餘衆治所以者何時未至故要待時至然後乃治二處不知是則欺瞞是故病熱然後應治若未熟者要待時至如是衆生謗此經者過患熟時深自悔責嗚呼苦哉我之所作今始覺知至於余時應以攝事而救攝之

復次迦葉如有士夫度大曠野聞合群鳥鳴時彼士夫思是鳥聲謂有劫賊異道而去入空澤中至虎狼處為虎所食如是迦葉彼當來世比丘比丘尼優婆塞優婆夷於有我无我聲畏有我聲入於大空斷見修習無我於如是如未藏諸佛常住甚深經典不生信樂復次迦葉汝所問我為阿難說有有苦樂无有無苦樂汝今諦聽迦葉如來者非有非衆生亦不壞迦葉自佛言云何世尊佛告迦葉如雪山下有出淨光摩尼寶性有人

善知摩尼寶相見相則知即取持去如鍊金法消除滓穢離垢清淨隨所著處本垢不汙所以者何譬如士夫持燈而行隨所至處闇冥悉除燈光特明彼摩尼寶亦復如是如鍊真金塵垢不汙星月光照則雨淨水日光所照尋即出火如是迦葉如來應供等正覺出興于世永離一切生老病死煩惱習垢一切悲滅常大照明如彼明珠一切不汙如淨蓮華塵水不著復次迦葉如來如是如是時如是如是像類出於世間隨其所應示現凡身不為彼彼凡品生處垢穢所染亦復不受世間苦樂樂者人天五欲功德彼即是苦唯有解脫究竟常樂迦葉自佛言善哉善哉世尊我自惟省今始出家受具足戒得比丘分成阿羅漢當於如來知恩報恩以如來昔日分我半坐今日復於四大衆中以大乘佛法而灌我頂

魔之所為余時阿難自佛言世尊今此大衆離諸糟糠堅固真實如梅檀林如是衆中彼云何住佛告阿難問大迦葉阿難言唯善哉當問即問迦葉於此衆中彼云何住迦葉答言彼愚癡人是魔眷屬與魔俱來是故阿難我先說言不能堪任於如來滅後善巧方便護持正法如善守田是故先言寧負大地廣說如上余時世尊即告我言於我滅後汝當堪忍護持正法至于法盡我時自佛我當堪能四十年中護持正法時佛責言何以懈怠不能護法至於法盡也

佛告迦葉汝且求魔若能得者堪任護法迦葉即以天眼觀察而不能見如舍衛國有一野人亡失其子於大衆中求子不得疲乏而歸迦葉天眼於大衆中求魔不得亦復如是即白佛言我不堪任求覓惡魔如是八十諸大聲聞皆曰不堪復令賢護等五百菩薩除一菩薩名一切世間樂見推覓惡魔亦復不得

余時世尊復告迦葉汝不堪任法欲

滅時餘八十年護持正法南方菩薩當能護持汝當於賢護菩薩五百眾中取後求之迦葉答言善哉當求求得一切世間樂見離車童子世尊一切世間樂見離車童子則是其人

佛告迦葉汝往勸請令覓惡魔今時迦葉即與八十諸大聲聞及賢護等五百菩薩俱共勸請一切世間樂見離車童子汝童子世尊所舉堪覓惡魔今時童子於大眾中白迦葉言我今堪任推覓惡魔然有八十諸大聲聞賢護等五百菩薩摩訶薩及文殊師利觀世音得大勢滅諸惡趣勒苦薩等何故不覓令我覓耶宜令彼先然後及我迦葉謂言降伏惡魔為無福耶答言迦葉汝知有福宜自為之我今不能令時迦葉以此白佛佛告迦葉此童子語為何所說迦葉白佛童子說言先諸大德然後及我我是俗人性復下劣是諸大德八十聲聞及賢護等五百上首彼悉在先然後次我時諸聲聞及賢護等一切推覓悉不能得如彼野人求子不獲皆

法華經卷下 第十七章

曰不堪於一面立

爾時世尊復告迦葉汝今聞此大法鼓經於我滅後四十年中當善護持如今正法當擊大法鼓吹大法鼓設大法會建大法幢然後一切世間樂見離車童子於正法欲滅餘八十年當以五繫縛彼惡魔及其眷屬如縛小兒當宣唱大法鼓經當擊大法鼓吹大法鼓設大法會建大法幢迦葉白佛言當於何時佛告迦葉正法欲滅餘八十年

迦葉白佛言世尊欲見惡魔佛告童子速以惡魔示諸大眾今時童子瞻仰世尊即指示言觀此惡魔從異方來如諸菩薩作比丘像於眾中坐大眾悉見見被五繫縛魔言童子我於此經不復作尋如是三說

爾時世尊告一切世間樂見離車童子等菩薩眾言摩訶迦葉已能於我滅度之後四十年中護持正法汝等誰能於我滅後復護法如是三說無能堪者佛告大眾汝等勿得起輕劣想我此眾中多有弟子於我滅後

法華經卷下 第十八章

能護正法說此經者賢護等五百菩薩取後一人一切世間樂見離車童子於我滅後當擊大法鼓吹大法鼓設大法會建大法幢爾時童子即放

樂魔時諸大眾語童子言汝已授記爾時世尊復告大迦葉言今汝迦葉如守田夫無善方便不能堪任護持此經今此童子聞此經已能善誦讀現前護持為人演說常能示現為凡夫身住於大地正法欲滅餘八十年在於南方文荼羅國大波利村善方便河邊迦耶梨姓中生當作比丘持我名如善方便守護田苗於我憐憫懈怠眾中離俗出家以四攝法而攝彼眾得此深經誦讀通利令僧清淨捨先所受本不淨物為說大法鼓經第二為說大乘空經第三為說眾生界如來常住大法鼓經擊大法鼓吹大法鼓設大法會建大法幢當於我前被引誓鎖盡百年壽常雨法雨演說此經滿百年已現大神力示般涅槃說如是記釋迦牟尼佛今來至此志當瞻仰恭敬禮拜如是如來常住安

法華經卷下 第十九章

樂諸仁當觀真寶常樂如我所說亦時空中十方諸佛皆悉現身說如是言如是如是如汝所說一切皆當信其善說

迦葉白佛言世尊菩薩成就幾德能見如來常住不壞法身臨命終時現大神力佛告迦葉菩薩摩訶薩成就八功德者能現前見如來常住不壞法身何等為八一者說此深經心不懈怠二者說彼三乘三種之說亦不懈倦三者所應化者終不棄捨四者若僧壞者和合一味五者終不親近比丘尼女人黃門六者遠離親近國王及大力者七者常樂禪定八者思惟觀察不淨無我是為成就八種功德復有四事何等為四一者善能持法二者常自欣慶善哉我今所作快樂大善三者能自歸依作是思惟我得善利四者於如來常住決定元疑日夜常念如來功德以是因緣現前得見常住法身現大神力然後命終迦葉如是善男子善女人隨所住處城邑聚落我為是等示現法身而說

大法鼓經卷下 第三張

是言善男子善女人如來常住汝從今日常應受持讀誦此經為人解說作如是語當知如來常住安樂正心憍望勿為詭曲當知世尊如是常住淨憍望者我當現身汝大迦葉當信當審若不如是修行法者何由見我云何能得神通示現如我為聲聞乘說比丘能捨一法者我為保任得阿耨含果謂彼所行功德成就亦復如是如我先說持戒比丘終身天神常隨供事是故汝等勿貪利養當修厭離住身念處復次迦葉持我名比丘常令僧淨迦葉白佛言世尊此為云何佛告迦葉行攝取時滿足犯戒貪烏之眾如彼巧便守護四法賢護等五百菩薩先不堪任是等今者猶故不堪於我滅後取後護法持我名比丘行攝法時攝諸寬縱懈怠比丘習近供養與其經卷消息將護如養牛法知可伏時然後調伏若攝取調伏而不改者則便棄捨不令毒箭塗傷善淨彼復當作如是思惟莫令淨行比丘因彼犯戒彼說非法行惡行者

大法鼓經卷下 第三張

不應致敬共同法集布薩自恣羯磨僧事悉不應同如王摧敵彼亦如是如是方便調伏彼已於百年中常雨法雨擊大法鼓吹大法鼙設大法會建大法幢示大神力命終涅槃過千佛已六十二劫經百千緣覺及八如來般涅槃後乃成佛道名智積光明如來應供等正覺彼時持我名比丘者即是一切世間樂見離車童子當於此土成等正覺迦葉當知无上菩提如是難得迦葉為是凡人所能得不迦葉白佛言不也世尊佛告迦葉一佛國土一佛施作佛事第二第三亦復如是如一芥子中有眾多世界周旋往返而不自知誰持來去誰安我此隨所應知隨順為作如是或知我者或不知者此一世界者閻嶠山中有釋迦牟尼佛即於此中有阿逸多佛於此世界或現劫燒或現說法如是奇特甚為希有復有何等寂上奇特謂一切世間樂見童子不於凡俗家生其所生家悉是菩薩迦葉當知彼供養給侍者悉皆歡喜宗親

大法鼓經卷下 第三張

愛念皆作是言我種姓中有如是人生此諸人等一切皆是我之所遣迦葉當知彼菩薩摩訶薩若餘四眾為作眷屬悉聞說此大法鼓經一切皆當得無上菩提迦葉我於過去久遠世時在毗舍離城作轉輪王名難提斯那爾時毗舍離城如四天王下閻浮提如忍世界其餘天下亦復如是如是三千大千世界我時壽命不可思議我作如是轉輪聖王行阿僧祇殊勝布施及諸功德持戒清淨修諸善行合集如是无量福德若善男子善女人聞說一乘大法鼓經戲笑而往乃至一念所得功德勝前福業不可稱記算數譬喻所不能計如有呪王名曰焰焰一說此呪四月善護迦葉當知世間凡呪勢力如是何況一讀大法鼓經而力不能盡壽為護是故有能供養此經者是諸眾生為无上菩提作決定因乃至究竟菩提不離是經時諸大眾同聲唱言善哉善哉甚奇世尊今此童子當為持佛名比丘若般涅槃者祇洹林神無所依怙

大法鼓經卷下 第三三號 量

所以者何彼從南方來至佛所而般涅槃佛告大眾彼亦不來我自往彼示現其身并遣此經然後乃往所以者何若此經不往至彼手中則彼生退心若彼有眾生應調伏者我與大眾往住其前彼見我已當即還往迎便般涅槃隨其所欲度眾生成而般

涅槃

爾時天帝釋子名阿毗曇偏當乘神通而來至此彼雖幼少真心清淨信樂大乘唯獨一人無有倚正於天人中持此大乘甚深經典是故彼為說解脫因得授佛記時諸大眾同聲說得奇哉一切世間樂見為比丘像擊大法鼓護持佛法令得久住般涅槃後世間虛空彼滅度後無與等者如是以丘世間難得能為世間說究竟道

爾時迦葉阿難賢護菩薩等無量大眾聞佛所說歡喜奉行

大法鼓經卷下

王宙歲高麗國太臧都監奉勅雕造

大法鼓經卷下 第三四號 量